



WILMA QUAN

Tus Tswj Xyuas Lub Nroog

COV LUS KHOO XWM TXHEEJ CEEV 2020-02

COV LUS KHOO LOS NTAWM TUS TSWJ XYUAS LUB NROOG FRESNO TSHAJ TAWM KOM TXHUA TUS NEEG UAS NYOB HAUV LUB NROOG YUAV TAU NYOB HAUV LAWV LUB TSEV TIAMSIS TSUAS TAWM TAU MUS NRHIAV LOSSIS MUS TXAIS TEJ YAM KEV PAB UAS TSEEM CEEB LOSSIS MUS KHIAV HAUJLWM UAS TSEEM CEEB THIAB MUS UA HAUJLWM RAU COV LAG LUAM THIAB CHAW HAUJLWM TSOOM FWV UAS TSEEM CEEB; PEB TSHAJ TAWM KOM COV LAG LUAM THIAB TSOOM FWV COV CHAW HAUJLWM UAS TSIS TSEEM CEEB KAW LAWV LUB CHAW HAUJLWM HAUV LUB NROOG; THIAB TXWV TSIS PUB TIB NEEG SIB SAU UA KE YOG TIAS TSIS TSEEM CEEB TXAWM TIAS NTAU THIAB TSAWG TUS NEEG LOS XIJ

Hnub Tim ntawm Cov Lus Khoo: Lub Peb Hlis Ntuj Tim 18, 2020

Vim tias kuv yog Tus Thawj Coj Saib Xyuas Thaum Muaj Tej Yam Xwm Txheej Ceev raws li Cov Cai Kav Lub Nroog Fresno Tshooj 2-505, thiab raws li lub zog uas txoj cai muab rau kuv hauv Cov Cai Kav Lub Nroog Fresno Tshooj 2-506, kuv yuav tshaj tawm cov lus khoo raws li ntawm no, kom nws pib tamsid mus thiab kom ntev mus raws li Lub Nroog tseem muaj tej yam xwm txheej ceev vim tus kab mob COVID-19:

1. Nyob Tsev. Pib thaum 12:01 a.m. hnub Thursday, Lub Peb Hlis Ntuj Tim 19, 2020, thiab mus txog rau thaum 11:59 p.m. hnub Tuesday, Lub Peb Hlis Ntuj Tim 31, 2020, (tiamsis nyob ntawm seb puas yuav tsum tau ntxiv sijhawm txog thaum ntawd), cov lus hauv qab no yuav pib mus:
 - 1.1. Lub hom phiaj ntawm Cov Lus Khoo no yuav los pab kom ntau tus neeg nyob hauv lawv lub tsev ntau li ntau tau, thiab pub cov kev pab uas tseem ceeb khiav txuas ntxiv mus, los pab kom txoj kev kis tus kab mob COVID-19 kis tsawg zog li qhov kis tau. Thaum tib neeg yuav tau tawm lawv lub tsev, txawm tias mus yuav lossis ua haujlwm uas tseem ceeb heev, lossis mus khiav haujlwm kom tseem ceeb rau ib tug neeg lub neej thiab lag luam, lawv yuav tsum ua raws li Cov Cai Hais Kom Nyob Deb Lwm Tus txhua lub sijhawm raws li tau piav hauv qab. Tagrho cov lus hauv Cov Lus Khoo ntawm no yuav tau raug muab los txhais kom peb ua tau lub hom phiaj no kom ntau li ntau tau. Yog tias leej twg tsis ua raws li cov lus hauv Cov Lus Khoo ntawm no nws yuav ua raug loj heev thiab tsim kev phem rau cov pej xeem txoj kev noj qab haus huv.

Lub Nroog Fresno

City Hall • 2600 Fresno Street • Fresno, California 93721-3600 (559) 621-7768 • Tus Xovtooj FAX (559) 621-7776 • www.fresno.gov

Cov Lus Khoo Xwm
Txheej Ceev 2020-02
Nyob Tsev
Lub Peb Hlis Ntuj Tim 18,

- 1.2. Txhua tus neeg uas nyob hauv Lub Nroog yuav tau nyob hauv lawv lub tsev. Yog tias tib neeg yuav tau koom ib qho chaw ua ke lossis koom ib thaj tsam nraum zoov ua ke, lawv yuav tau nyob deb ntawm lwm tus neeg yam tsawg kawg yog rau feet (fij) ntawm lwm tus neeg thaum lawv nyob sab nraum lawv lub tsev. Txhua tus neeg tawm tau lawv lub tsev mus Khiav Haujlwm Tseem Ceeb, Koom Tej Haujlwm Tsoom Fwv Tseem Ceeb, lossis mus khiav lawv Lub Lag Luam Uas Tseem Ceeb, raws li tau piav hauv qab. Peb xav txhawb kom cov tib neeg uas tsis muaj tsev nyob mus nrhiav ib qho chaw nyob, thiab peb txhawb kom tsoom fwv thiab lwm cov koom haum mob siab nrhiav ib co chaw sai li sai tau thiab kom ntau li ntau tau (thiab siv cov tswv yim los tswj kom muaj feem tsawg zog los kis tus kab mob COVID- 19 tsawg zog rau txhua lub chaw lawv khiav).
- 1.3. Tagnrho cov lag luam hauv Lub Nroog, tiamsis tsis hais txog cov nyob hauv Cov Lag Luam Tseem Ceeb uas tau piav hauv qab, yuav tau nres txhua yam lawv ua hauv Lub Nroog tiamsis pub lawv Khiav Haujlwm Raws Li Qhov Tsawg Kawg, raws li tau piav hauv qab. Kom txhua tus paub tseeb, cov lag luam tseem khiav tau yog tias lawv cov neeg ua haujlwm lossis cov neeg lawv ntiav nyob tsev ua haujlwm (piv txwv tias haujlwm hauv tsev). Peb yeeb txhawb kom tagnrho Cov Lag Luam Tseem Ceeb qhib twj ywm. Sim kom ua tau li no ntau li ntau tau, Cov Lagluam Tseem Ceeb yuav tau ua raws li Cov Cai Hais Kom Nyob Deb Lwm Tus raws li tau piav hauv qab, kom cov neeg ua haujlwm thiab cov pej xeem nyob nrug deb li rau-feet, nrog rau tiamsis tsis tas rau, thaum cov neeg ua kab yuav khoom.
- 1.4. Tagnrho cov kev sib sau ua ke rau cov pej xeem thiab tib neeg ua rau lawv tsev neeg nraum zoov lossis sab nraum lawv lub tsev yuav tsum tsis txhob ua, yog tias tsis haum raws li tau hais ntawm no. Tsis muaj dabtsi hauv Cov Lus Khoo no yuav los txwv cov tib neeg uas nyob ib tse lossis ib lub tsev los sib sau ua ke.
- 1.5. Cov Lus Muab Los Txhais thiab Cov Kev Zam.
 - 1.5.1. Kom txhua tus nkag siab Cov Lus Khoo ntawm no, tib neeg yeej tawm tau lawv lub tsev mus "Khiav Haujlwm Tseem Ceeb" raws li ntawm no. Tiamsis cov tib neeg uas yuav muaj feem mob loj yog tias lawv kis tau tus kab mob COVID-19 raws li CDC tau piav thiab cov tib neeg uas tsis xis nyob yuav tau nyob twj ywm hauv lawv lub tsev tiamsis mus nrhiav tau kev kho mob yog tias lawv yuav tsum tau mus.
 - 1.5.2. Mus khiav haujlwm lossis mus ua tej yam lawv yuav tsum ua rau lawv txoj kev noj qab haus huv thiab kev nyab xeeb, lossis rau txoj kev noj qab haus huv thiab kev nyab xeeb ntawm lawv tsev neeg lossis cov neeg hauv lawv lub tsev (nrog rau, tiamsis tsis tas rau, cov tsiaj), xws li, lam piv txwv xwb thiab tsis tas li no, mus nrhiav khoom kho mob tu mob lossis tshuaj noj, mus ntsib ib tug kws kho mob, lossis mus yuav khoom kom lawv ua tau lawv ua tau haujlwm tom tsev.
 - 1.5.3. Mus txais cov kev pab lossis tej yam khoom lawv yuav tsum tau rau lawv tus kheej thiab lawv tsev neeg lossis cov neeg nyob hauv lawv lub tsev, lossis mus muab cov kev pab lossis cov khoom rau lwm cov neeg, xws li, lam piv txwv xwb thiab tsis tas li no, cov kaus

Cov Lus Khoo Xwm
Txheej Ceev 2020-02
Nyob Tsev
Lub Peb Hlis Ntuj Tim 18,

poom ntim mov, cov zaub mov qhuav, cov txiv hmab txiv ntoo thiab zaub, khoom rau tsiaj, nqaij, ntses, thiab nqaij qaib nqaij noog, thiab lwm yam khoom siv hauv tsev, thiab khoom siv los pab kom koj lub tsev nyab xeeb, tu huv si, thiab tej yam koj yuav tsum tau los khiav koj lub tsev.

- 1.5.4. Mus ua tej yam nraum zoov, tiamsis tus neeg ntawd yuav tau ua raws li Cov Cai Hais Kom Nyob Deb Lwm Tus uas tau piav hauv Tshooj no, xws li, lam piv txwv xwb thiab tsis tas li no, mus taug kev, taug kev tom hav zoov, lossis mus khiav.
- 1.5.5. Mus ua haujlwm xa khoom thiab muab cov kev pab tseem ceeb tom lub ib Lub Chaw Haujlwm Tseem Ceeb lossis los khiav tej yam haujlwm uas raug pom zoo hauv Cov Lus Khoo ntawm no, thiab pub mus Khiav Haujlwm Raws Li Qhov Tsawg Kawg.
- 1.5.6. Mus tu xyuas ib tug tsev neeg lossis tsiaj hauv lwm lub tsev.
- 1.5.7. Kom txhua tus nkag siab Cov Lus Khoo ntawm no, tib neeg tawm tau ntawm lawv lub tsev mus ua haujlwm lossis mus txais kev pab ntawm "Cov Chaw Kho Mob" nrog rau cov tsev kho mob loj, cov tsev kho mob me, cov kws kho kaus hniav, cov khw muag tshuaj, cov tsev haujlwm ua tshuaj thiab kev tshawb fawb txog tej yam kab mob, lwm cov chaw kho mob tu mob, cov chaw muag khoom kho mob tu mob, cov kws pab kho mob tu mob, lossis cov kev pab uas xws li thiab/lossis cov kev kuaj los pab nrhiav tus mob. "Cov Chaw Kho Mob" kuj nrog rau kev kho mob rau tsiaj thiab txhua yam kev pab kho mob rau tsiaj. Txoj kev zam no tau muab txhais kom dav thiaj li tsis raug txoj kev noj qab haus huv, uas tau muab txhais kom dav. "Cov Chaw Kho Mob" tsis suav cov chaw pab kom ib ce yuag thiab cov chaw mus khiav qoj ib ce thiab tej yam chaw xws li ntawd.
- 1.5.8. Kom txhua tus nkag siab Cov Lus Khoo ntawm no, tib neeg tawm tau ntawm lawv lub tsev mus pab lossis ua haujlwm los pab khiav thiab tswj "Cov Kev Puab Tsev Kho Tsev Tseem Ceeb," nrog rau tiamsis tsis tas rau, kev puab kev kho tej yam uas cov pej xeem yuav tsum tau, kev puab kev kho tsev (tseem ceeb tshaj yog tsev luam lossis cov tsev rau tib neeg uas tsis muaj tsev nyob), chaw haujlwm ya dav hlau, dej, dej khib nyiab, nkev, fais fab, roj, kev tsav tsheb thiab kev loj, kev thauj mus los rau cov pej xeem, kev tuaj thauj thiab kev tshem khib nyiab, istawsnev thiab xovtooj (nrog rau tej yam haujlwm tseem ceeb los khiav kom tau cov haujlwm hauv koospitawj, tsev haujlwm, kev tiv tauj, thiab cov kev siv istawsnev rau lub ntiaj teb, lub xeev, thiab lub nroog) yuav tsis ua li cas yog tias lawv muab cov kev pab lossis ua cov haujlwm no raws li Cov Cai Hais Kom Nyob Deb Lwm Tus, ntau li ntau tau.
- 1.5.9. Kom txhua tus nkag siab Cov Lus Khoo ntawm no, tagrnho cov tib neeg ua haujlwm pab cov pej xeem ua ntej, cov thawj coj saib xyuas cov neeg ua haujlwm rau cov muaj xwm txheej ceev, cov neeg txais xovtooj xwm txheej ceev, cov neeg ua haujlwm rau lub xam, cov tub ceev xwm, thiab lwm cov neeg ua haujlwm pab txhawb Cov Lag Luam Tseem Ceev raug zam ntawm Cov Lus Khoo ntawm no. Ntxiv mus, tsis muaj ib yam dabtsi hauv Cov Lus Khoo no los txwv tsis pub ib tug neeg twg los mus "Koom Tej Haujlwm Tsoom Fwv Tseem Ceeb." Koom Tej Haujlwm Tsoom Fwv Tseem Ceeb txhais tau tias rau cov uas ua haujlwm los saib

Cov Lus Khoo Xwm
Txheej Ceev 2020-02
Nyob Tsev
Lub Peb Hlis Ntuj Tim 18,

xyuas kom tsoom fww cov chaw haujwm tseem khiav taus thiab los muab kom tau cov kev pab hais txog kev noj qab haus huv, kev nyab xeeb thiab kev noj qab nyob zoo rau cov pej xeeb. Tagnrho Cov Kev Koom Tej Haujlwm Tsoom Fww Tseem Ceeb yuav tsum tau ua raws li Cov Cai Hais Kom Nyob Deb Lwm Tus raws li tau piav hauv Tshooj no, ntau li ntau tau.

- 1.6.10 Kom txhua nkag siab Cov Lus Khoo ntawm no, cov lag luam uas raug pom zoo yog hais txog cov lag luam uas ua lag luam rau nyiaj, cov ua lag luam tsis yog rau nyiaj, lossis cov chaw qhia ntawv, txawm tias lawv cov kev pab yog li cas, lawv khiav haujlwm li cas, lossis lag luam loj lossis lag luam me.
- 1.6. Kom txhua tus nkag siab Cov Lus Khoo ntawm no, "Cov Lag Luam Tseem Ceeb" txhais hais tias:
 - 1.6.1. Cov Chaw Kho Mob thiab Cov Chaw Tseem Ceeb;
 - 1.6.2. Cov khw muag zaub mov, cov khw rau cov tib neeg ua teb tuaj muag zaub muag khoom, cov chaw muag tej yam lawv cog thiab zaub txiv hmab txiv ntoo, cov khw me muag zaub mov, cov chaw haujlwm muag zaub mov, cov khw me, thiab lwm cov chaw muag kos poom ntim khoom no, zaub mov qhuav, txiv hmab txiv ntoo thiab zaub, khoom rau tsiaj, nqaij, ntses, thiab nqaij qaib nqaij noog, thiab lwm yam khoom siv hauv tsev (xws li khoom tu tsev thiab khoom siv tu tus kheej). Cov ntawm no hais txog cov khw uas muag zaub muag mov thiab muag lwm yam uas tsis yog zaub mov, thiab lwm yam khoom siv hauv tsev, thiab khoom siv los pab kom koj lub tsev nyab xeeb, tu huv si, thiab tej yam koj yuav tsum tau los khiav koj lub tsev;
 - 1.6.3. Kev cog kev tu tsiaj los ua mov, hais txog kev ua teb, kev yug tsiaj, thiab kev nuv ntses;
 - 1.6.4. Cov lag luam uas muag zaub mov, muaj chaw rau neeg nyob, thiab cov kev pab rau cov pej xeem, thiab lwm yam uas tib neeg yuav tsum tau rau rau cov tsis tau nyiaj ntau lossis rau cov tib neeg uas tsis muaj dabtsi li;
 - 1.6.5. Cov ntawv tshaj tawm txog xov xwm, cov TV, cov xov tooj cua, thiab lwm yam kev sib tham sau ub tej no hauv istawsnev;
 - 1.6.6. Cov khw muag nkev thiab tej yam khoom rau tsheb, chaw kho tsheb, thiab tej yam chaw xws li ntawd;
 - 1.6.7. Cov tuam txhab thiab cov chaw haujlwm txog nyiaj txiag;
 - 1.6.8. Cov khw muag khoom kho ub tej no;
 - 1.6.9. Cov neeg kho kav dej, cov neeg kho fais fab, cov neeg tua kab, thiab lwm cov neeg uas yuav pab tau cov pej xeem los pab kom lawv lub tsev nyab xeeb, tu huv si, thiab nrog tej yam lawv yuav tsum tau los khiav lawv lub tsev, "Khiav Haujlwm Tseem Ceeb, thiab Cov Lag Luam Tseem Ceeb;
 - 1.6.10. Cov lag luam xa ntawv thiab xa khoom, nrog rau cov chaw haujlwm xa ntawv;
 - 1.6.11. Cov tsev kawm ntawv—nrog rau cov tsev kawm ntawv dawb thiab cov them nyiaj qib K-12, cov tsev kawm ntawv qib siab, thiab cov tsev kawm ntawv them kawg—kom lawv kawm tau tom tsev, los yog tias kom lawv nyob nrug deb li ntawm rau-feet ntawm lwm tus

Cov Lus Khoo Xwm
Txheej Ceev 2020-02
Nyob Tsev
Lub Peb Hlis Ntuj Tim 18,

neeg ntau li ntau tau;

- 1.6.12. Cov khw ntxhua khaub ncaws, cov khw ntxhua tib neeg cov khaub ncaws rau lawv, thiab cov chaw pab ntxhua khaub ncaws;
- 1.6.13. Cov lab muag mov noj thiab lwm cov chaw npaj thiab ua mov noj, tiamsis tsuas pub lawv xa mus rau tib neeg tsev thiab kom tib neeg tuaj nqa mus tsev nkaus xwb. Cov tsev kawm ntawv thiab lwm cov chaw uas muab mov dawb rau cov tub kawm ntawv lossis cov pej xeem tseem yuav ua tau txuas ntxiv mus raws li Cov Lus Khoo ntawm no yog tias cov zaub mov uas lawv muab rau cov tub kawm ntawv lossis cov pej xeem tuaj nqa thiab nqa cov zaub mov mus xwb. Cov tsev kawm ntawv thiab cov chaw muab mov uas peb zam ntawm no yuav tsum tsis txhob pub leej twg noj

ntawm thaj tsam uas lawv muab mov, lossis lwm qhov chaw uas tib neeg sib sau ua ke, tiamsis peb tsuas zam tau cov hoob noj mov tom lub tsev kho mob loj xwb, rau tib neeg los noj mov hauv lub hoob noj mov ntawd;

- 1.6.14. Cov lag luam uas muag khoom kom tib neeg ua tau haujlwm tom tsev;
- 1.6.15. Cov lag luam uas muag khoom rau lwm cov lag luam tseem ceeb uas pab txhawb lossis muag khoom rau tib neeg los khiav haujlwm tau, nrog rau, tiamsis tsis tas rau, kev thauj khiav nyiab pov tseg, kev zom khiav nyiab mus ua dua tshiab thiab kev zom khoom fais fab mus ua dua tshiab;
- 1.6.16. Cov lag luam uas xa zaub xa nqaj, zaub mov, khoom lossis cov kev pab rau cov pej xeeb;
- 1.6.17. Cov chaw haujlwm ya dav hlau, tsheb ntiav, thiab lwm yam kev thauj mus los uas thauj tau tib neeg mus Khiav Haujlwm Tseem Ceeb thiab tej yam uas tau raug pom zoo hauv Cov Lus Khoo ntawm no;
- 1.6.18. Kev tu xyuas tom tsev rau cov neeg laus, cov neeg muaj hnuv nyoog kaum yim xyoo rov saud, lossis cov menyuam yaus;
- 1.6.19. Cov chaw nyob thiab cov tsev nyob rau cov neeg laus, cov neeg muaj hnuv nyoog kaum yim xyoo rov saud, lossis cov menyuam yaus;
- 1.6.20. Cov kev pab nrog tej yam haujlwm, xws li cov kev pab txog kev lig kev cai lossis cov kev pab laij nyiaj, thaum yuav tsum tau los ua kom tau tej yam raug khoo raws cai;
- 1.6.21. Chaw zov menyuam uas zov menyuam kom cov neeg uas raug zam hauv Cov Lus Khoo ntawm no mus ua tau haujlwm. Sim ua kom ntau li ntau tau, cov chaw zov menyuam yuav tau khiav lawv lub chaw haujlwm raws li cov cai uas lawv qab ntawm no:
 - 1.6.21.1. Lawv yuav tau zov tib pab menyuam uas 10 tus lossis tsawg dua ("tib pab" txhais tias yuav tsum yog 10 tus menyuam ntawd nkaus xwb lossis tsawg tshaj ntawd txhua hnuv).
 - 1.6.21.2. Txwv tsis pub cov menyuam hloov mus los sib xyaws nrog lwm pab menyuam.
 - 1.6.21.3. Yog tias lub chaw ntawd muaj ntau tshaj ib pab menyuam uas lawv zov, lawv yuav tau muab faib cov pab menyuam ntawd mus nyob nyias hoob. Lawv yuav tsum tsis txhob muab cov pab pawg ntawd sib xyaws nrog lwm pab pawg.
 - 1.6.21.4. Cov neeg zov menyuam yuav tsum nyob twj ywm nrog lawv pab pawg menyuam xwb.

1.7. Kom txhua tus nkag siab Cov Lus Khoo no, "Khiav Haujlwm Raws Li Qhov

Cov Lus Khoo Xwm
Txheej Ceev 2020-02
Nyob Tsev
Lub Peb Hlis Ntuj Tim 18,

Tsawg Kawg" yog hais txog cov lawv qab ntawm no, tiamsis cov neeg ua haujlwm yuav tau ua raws li Cov Cai Hais Kom Nyob Deb Lwm Tus uas peb tau txhais hauv Tshooj no, ntau li ntau tau, thaum lawv khiav cov haujlwm no:


- 1.7.1. Khiav tej yam dej num tsawg kawg nkaus los pab kom ib lub lag luam muaj khoom txaus, muaj kev ruaj ntseg, them nyiaj tau thiab muaj kev faj seeb rau cov neeg ua haujlwm, lossis tej yam xws li ntawd.
- 1.7.2. Khiav tej yam dej num tsawg kawg nkaus los pab kom cov neeg ua haujlwm tseem ua tau haujlwm tom tsev.
- 1.8. Kom txhua tus ua tau raws li cov lus khoo ntawm no, cov tsev nyob txhais tias cov tsev so loj, cov tsev so me, cov tsev sib koom them nyob ua ke, thiab cov lwm cov tsev xws li ntawd.

Cov Lus Khoo Xwm
Txheej Ceev 2020-02
Nyob Tsev
Lub Peb Hlis Ntuj Tim 18,

- 1.9. Kom txhua tus ua raws li cov lus khoo hauv Cov Cai Hais Kom Nyob Deb Lwm Tus hais tias ib tug neeg yuav tsum nyob deb yam tsawg kawg yog rau-feet ntawm lwm tus neeg, ntxuav tes nrog xub npum thiab dej kom tsawg kawg yog nees nkaum second heev npaum li heev tau lossis siv cov tshuaj ntxuav tes tua kab mob, npog thaum hnoos thiab txham (rau hauv koj lub tes tsho lossis txhais npab), nquag so rooj so txee, thiab tsis txhob tuav tes.
2. Lub Nroog cov chaw haujlwm uas lawv muaj lossis tswj ntawm no yuav raug muab kaw tsis pub rau cov pej xeem mus: Selland Arena, Saroyan Theater, Exhibit Halls, Convention Center, Fresno Chaffee Zoo, Rotary Playland, Storyland, Veterans Memorial Auditorium, lub Meux Home, Shinzen Garden, tagrho cov chaw pej xeem mus ua si (tiamsis tsis hais txog cov chaw pab xwm txheej ceev), thiab cov tsev ncaws kis las ntaus kis las, nrog rau Granite Park, Southwest Regional, thiab lwm yam. Cov chaw ua si park tseem qhib tau, tiamsis tsis pub ntau tshaj 10 tus neeg sib sau ua ke.
3. Cov Lus Khoo raug muab kho lossis raug muab ncuatseg thaum twg los tau, thiab yuav raug muab siv tsis tau los hloov tej yam uas koj tau txaus siab ua hauv daim ntawv cog lus nrog lwm tus neeg, tej yam cai txog lub chaw, lossis siv tsis tau los foob Lub Nroog.
4. Yog muaj ib co lus hauv Cov Lus Khoo no lossis cov lus no tsis haum rau tej tug neeg twg lossis tej yam nws ua ces cov lus ntawd yuav tsis raug rau nws, tiamsis yog tias muaj lwm cov lus uas nyob hauv Cov Lus Khoo no haum rau nws lossis tej yam nws ua, ces nws yuav tau ua raws li cov lus ntawd tagrho thiab ua tamsid mus. Nws nyob ntawm peb, peb muaj txoj cai ncuatseg cov lus hauv Cov Lus Khoo no los tau.
5. Cov Lus Khoo no yuav tau muab los txhais ua lus Mev thiab Lus Hmoob, thiab Lus Khej tamsid, thiab yuav tau muab kho kom cov tib neeg uas muaj tej yam kev xiam oob qhab nyeem kom tau; peb yuav muab tshaj tawm rau tagrho cov kev tshaj saum istawsnev thiab muab tso rau saum Lub Nroog qhov vesxaj kom txhua tus neeg pom tau.

COV LUS KHOO NO YUAV PIB TAMSIM NO MUS.

Tus Thawj Coj Saib Xyuas Thaum Muaj Tej Yam Xwm Txheej Ceev



Wilma Quan
Tus Tswj Xyuas Lub Nroog

Lub Peb Hlis Ntuj Tim 18, 2020 11:57am

Lub Hnub Tim

Lub Sijhawm